



Leonorius uir fortissimus à Trognis, Tolisto-
 bogijs, Tectosagibus, & Ambronis, Galliae &
 Germaniae incolis dux electus fuit. Is cum Lutha-
 rio alio duce Graeciam atq; Asia inuadere atq; sibi
 subijcere statuit. Itaq; secundum Danubiũ descen-
 dentes, primò Lisimachiam urbem occuparunt, at
 que totã Chersonesum uicerunt. Cum hac ratione
 res eis ex animo succederent, duces ipsi contentio-
 ne orta inuicem discesserunt. ex ijs Leonorius Bi-
 zantium profectus, Lutharius uerò Hellepõtum
 transiens in Asia peruenit. Eo aut tempore Nico-
 medes rex Bithinię cum Zybota rege de finib. cõ-
 tēdebāt. Is itaq; Gallorũ fortitudinē cõsiderās, du-
 ces inter se se reconciliauit, atq; utrũq; in auxiliũ asciuit. Illi ergo sua uirtute ho-
 stem uicerunt, atq; totum Bithinię regnum Nicomedi restituerunt. Itaq; rex
 partem Asiae ipsis incolendam tradidit. Verũ ipsi ea portione non contenti
 ulterius progressi sunt, atq; plurimas regiones sibi subiecerunt, ita ut omni-
 bus regibus & populis terrori essent. Ea regio postea Galatia & Gallogreecia
 ab ijs denominata fuit. Accidit id circa annum mũdi termillesimum sexcente-
 simum nonagesimum. Ioan. Stumpff. lib. 3.